

61. þing Sundsambands Íslands
Íþróttamiðstöðinni í Laugardal
6. og 7. mars 2015

Þingskjal nr: 2015 - 05

61. þing Sundsambands Íslands haldið í Íþróttamiðstöðinni í Laugardal 6. og 7. mars 2015 samþykkir að veita eftirtöldum aðilum Heiðursmerki SSÍ fyrir störf í þágu sundhreyfingarinnar á Íslandi:

Gullmerki

- Arna Þórey Sveinbjörnsdóttir
- Gísli Kristinn Lórenzson
- Hafþór Guðmundsson

Silfurmerki

- Hafliði Halldórsson
- Ingi Þór Ágústsson
- Jón Oddur Sigurðsson
- Karen Malmquist
- Kristín Guðmundsdóttir
- Málfríður Sigurhansdóttir
- Ólafur Baldursson
- Unnur Sædís Jónsdóttir

Þjónustumerki

- Þingfulltrúar á 61. sundþingi

Afhending merkjanna fer fram við þingslit.

Greinargerð

Gull- og silfurmerki SSÍ – skal vera ýmist fest í borða í íslensku fánalitonum eða vera barmmerki. Merkið er staðfest einkennismerki SSÍ eins og það er á hverjum tíma í gulli eða silfri – og skal grunnur vera í sama efni. Stjórn SSÍ gerir tillögur til Sundþings ár hvert um veitingu viðurkenninga.

Gullmerki SSÍ má einungis veita íslenskum ríkisborgurum og skal einkum veitt þeim einstaklingum sem um lengri tíma hafa unnið afburða gott starf í þágu sundhreyfingarinnar eða skilað yfirburðaárangri meðal íslenskra sundmanna.

Silfurmerki SSÍ skal veita þeim sem unnið hafa framúrskarandi gott starf að málefnum sundhreyfingar eða hafa komið fram fyrir hönd Íslands á alþjóðlegum vettvangi sundhreyfingar. Einnig skulu sundmenn sem náð hafa viðurkenndum alþjóðlegum árangri hljóta silfurmerkið – og þar með allir þeir sem keppt hafa í sundi á Ólympíuleikum fyrir Íslands hönd.

Þjónustumerki SSÍ má afhenda stjórnarmönnum SSÍ, nefndarmönnum og fulltrúum SSÍ á þingum ÍSÍ og sérsambanda sem SSÍ er aðili að. Stjórn SSÍ er heimilt að veita einstaklingum þjónustumerki fyrir gott starf að sundmálum.

Um einstaklingana:

Arna Þórey Sveinbjörnsdóttir er fædd 1974. Hún er fyrrum landsliðskona í sundi var ma keppandi á Smáþjóðaleikum fyrir Íslands hönd. Arna Þórey átti hefur starfað lengi í sundhreyfingunni, eftir að hún hætti æfingum í keppnissundi hóf hún að þjálfva sundfólk fyrst hjá Sundfélaginu Ægi en hin síðari ár hjá Sunddeild Breiðabliks. Arna Þórey hefur setið í stjórn Sundfélagsins Ægis og einnig í ýmsum nefndum SSÍ nú síðast í Þjálfaráði SSÍ. Hún hefur jafnframt farið sem þjálfari í mörg

61. þing Sundsambands Íslands Íþróttamiðstöðinni í Laugardal 6. og 7. mars 2015

Pingskjal nr: 2015 - 05

landsliðsverkefni fyrir hönd SSÍ og ávallt reynst sundfólkinu sem hún sinnir einstaklega vel. Hún hefur lagt hug sinn og hjarta í sundhreyfinguna sem athafnamikill sundmaður og þjálfari.

Gísli Kristinn Lórenzon er fæddur 1937. Hann hóf ungur þáttöku í starfi íþróttafélaga og lagði að mörkum lengi með Íþróttafélaginu Þór á Akureyri og Skíðaráði Akureyrar. Kunnastur er hann eflaust fyrir langt og farsælt starf að Andrésar Andarleikum barna á skíðum sem fara fram í Hlíðarfjalli. Árin 1996 til 2007 var hann forstöðumaður Sundlaugar Akureyrar. Á þeim vettvangi lagði Gísli Kristinn eða Kiddi Lór eins og flestir kunnugir tala um hann, sinn metnað í að byggja upp aðstöðu á fyrir sundíþróttina á Akureyri og til að auðvelda sundmönnum sundfélagsins Óðins að skila árangri. Kiddi Lór fylgdist með sundfólki Óðins og studdi þau í keppni og ma. heimsótti hann þau á sundmót í höfuðborginni. Hann eignaðist vinskap þeirra margra til framtíðar. Sundsamband Íslands átti farsælt samstarf við Gísla Kristinn og Sundfélagið Óðinn um framkvæmd AMÍ á starfstíma hans. Mótin fóru fram á Akureyri amk 7 sinnum á þessu tímabili og hafa orðið mörgum sundmönnum og fjölskyldum þeirra minnisstæð. Sundsamband Ísland vill heiðra Gísla Kristinn Lórenzon fyrir störf sín í þágu sundíþróttarinnar og ágætt samstarf við hann sem forstöðumann Sundlaugar Akureyrar.

Hafþór Guðmundsson var ungur að leika sér í sundi með félagum sínum þegar Erlingur Jóhannsson sá í honum efni. Síðan þá hefur hann verið viðloðandi sundhreyfinguna. Hann var sundmaður í Sunddeild KR þar sem hans besti árangur var í baksundi, flugsundi og fjórsundi. Hann var landsliðsmaður í sundi og keppti ma landskeppnum gegn Skotlandi, á NMU 1976 og svo stundaði hann sundknattleik á síðari hluta ferilsins. Hafþór var þjálfari hjá Sunddeild KR, Sundfélaginu Ægi og Sunddeild Ármanns auk þess að þjálfja hjá Sunddeild Stjórnunnar en þá deild stofnaði Hafþór. Hann var landsliðsþjálfari bæði í einstökum verkefnum en einnig sem fastur maður í því rúmi. Hafþór fór með landsliðinu á Ólympíuleikana í Los Angeles 1984 og var einnig í stöðunni frá árinu 1997 til 1998. Hann var formaður Sunddeildar KR 1978-1980. Hafþór hefur setið í landsliðsnefnd, fræðslunefnd og fleiri nefndum SSÍ og hann var um langt árabíl fulltrúi Íslands í fræðslunefnd Norræna sundsambandsins. Hann vann ásamt öðrum mikið starf við að koma þjálfaramenntakerfinu okkar í nothæft form og stóð á bakvið það verkefni eins og klettur. og Hann hefur alið upp íslenskt sundfólk á ýmsa vegu, bæði sín eigin börn og annarra, verið lærifaðir þeirra sem sundmanna en ekki síður sem þjálfara.

Halldór Hafliðason er fyrrum sundmaður hjá Sundfélaginu Ægi. Undanfarin ár hefur hann veitt forstöðu Grafarvogslaug og svo Vesturbæjarlaug í Reykjavík.

Ingi Þór Ágústsson er fyrrum sundmaður og var á tímabili hluti af öflugum teymi fólks sem hélt uppi merkjum Vestra á Ísafirði. Ingi Þór hefur tekið að sér þjálfun fyrir félag hér í Reykjavík á undanförunum árum og situr í framkvæmdastjórn ÍSÍ. Hann hefur verið í stjórn SSÍ undanfarin ár og borið sem slíkur mikla ábyrgð á landsliðum SSÍ, en er nú að láta af stjórnarstörfum.

Jón Oddur Sigurðsson er fyrrum landsliðsmaður í sundi og er þjálfari Sunddeildar KR. Hann sat í stjórn SSÍ til ársins 2014 þegar hann þurfti að hverfa til annarra starfa.

61. þing Sundsambands Íslands
Íþróttamiðstöðinni í Laugardal
6. og 7. mars 2015

Þingskjal nr: 2015 - 05

Karen Malmquist hefur setið í stjórn SSÍ þar til hún tók sér leyfi frá störfum árið 2013, en hefur sinnt mörgum mismunandi hlutverkum innan sundhreyfingarinnar.

Kristín Guðmundsdóttir hefur verið viðloðandi sundhreyfinguna um langt árabil. Hin síðari ár hefur hún beint kröftum sínum að fötluðu sundfólki og ma verið landsliðsþjálfari fatlaðra. Hún er einnig með dómgæsluréttindi og óþreytandi við að sinna sundmálum.

Málfríður Sigurhansdóttir hefur setið í stjórn SSÍ undanfarin ár auk þess sem hún hefur sinnt mörgum mismunandi hlutverkum innan sundhreyfingarinnar.

Ólafur Baldursson sat í stjórn SSÍ til ársins 2013 og gengdi þar hlutverki ritara. Hann fósttraði dómgæslumálin fyrir hönd stjórnar og sat áfram í Dómara-, móta- og tækninefnd sambandsins eftir setu í stjórn. Ólafur sat á alþjóðlegum lista dómara og hefur farið fyrir hönd SSÍ á ýmis námskeið og fræðslufundi.

Unnur Sædís Jónsdóttir er sjúkraþjálfari og hefur farið í mörg landsliðsverkefni sem slík. Hún hefur farið á Ólympíuleika 2012 og einnig í önnur verkefni svo sem Smáþjóðaleika, HM og EM.